

Zeitschrift: Le nouveau conteur vaudois et romand
Band: 92 (1965)
Heft: 9-10

Rubrik: Pages valaisannes
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>



Le Monumein du Moulé

L'en déceido po de bon ci coup ce de fire on monumein ein l'honieu du moulé (mulet) valéjan et cein lé bin gieusto de mousâ¹ à c'ta brava bétie ke l'a tant reindu de sèrvouéço².

On l'a iu roulâ pè dé tsemin étra³ et routo⁴ tchèrdgea avoui teté sorté de bougréro su le bât : du fein⁵ ke vin du pro loein de la mison, du fémi⁶ einbotseno dien dé sha⁷ et lou dzeu de la remouâye, on eintétse de to su le moulé : de lè zizé⁸, dé pepon, de to kié et la poura bétie dévré chua⁹ de lé z'heude tein su dé vayon sovein dondzereu.

Mé le moulé l'a le pia¹⁰ suro, la martse lédgire kemein le tsameu avoui sé tsambé fin'né et son raté fi d'ou¹¹ du kemein le fè ! Avoui cein k'on le nereï de pou : de la meuze¹², de l'ivoué. Et portant, lou z'on ne l'âmon pas paske preu sovein c'ta bétie s'eintéte et kan l'a n'idé ein téta, lé mâ à le fire démarâ !... Se veu le vadé fèrmâ lé z'eureuzé¹³, atteinchon, l'a le pia lesto !... Mé cein n'areive ke kan l'a ito maltréto. On picotin bin on bocon de socro vo mio k'on coup de treiko !... Por me, âmo tant lou vère arrevâ on dzeu de fare à Chon (Sion) ke venion de toué lou lo : de Savièse, d'Evolène et d'ailleu ein protechon avoui su le bât na guie païjanne ein costume du payi cein faré-te pas n'émâdse pze béla ke du Picasso ?...

Paré ke tcheu ke van en devant de l'affire, ne sâvon pas io fo bouetâ cé monumein.

La véla de Chon lein na dza dou : le cheudâ de 14-18 et la groussa « Catherine » su la Planta ke représeinta l'eintrâie du Vala dien la Confédérachon ein 1815 mé ke n'a rein de na valaisâna cein fi ke por me l'einveuyéri u musée de Valère po la reinplaca pè l'estatue du moulé loué ke lé bin valaijan, kein detèveu ?

Adolphe Défago.

¹ penser ; ² services ; ³ étroits ; ⁴ escarpés ; ⁵ foin ; ⁶ fumier ; ⁷ sac de jute ; ⁸ ustensiles ; ⁹ suer ; ¹⁰ pied ; ¹¹ os ; ¹² foin de marais ; ¹³ oreilles.

La légeinda de Tzemé

On bon matin de sépteimbrou devan dzo, Emile parté à la djeu (forêt) avoué son bissa (bissac) et sa piolétta dein l'intention d'alla fairé son bou po le vé (l'hiver).

Pou devan mié dzo, l'a fai deu fous po rétzenda la sepa que sa Caroline l'avé fai la véllie.

D'issa na vourba l'a avoui dé cri que veniavan deu fous que l'avé ayau. L'aré na sèrpein que l'a keryavé :

Seuva mé ! seuva mé ! Te n'a que me teindré ne pèrtze, m'enrenioléra d'einto et me seuvéra. L'é cein que l'a fai.

La sèrpin d'i que l'a itau foueu deu fous l'a di :

Te m'a sauvau la ya. Vèzo te récompeinsa !

To simplamein en te balliein la pova de conniétré le langadzo de lé bètié. Mé... à na condichon. L'é que te ne diassa à nion que te connié sè secré. Atramein te mué (meurs).

Accépto di Emile.

Contré le tantou aprè ava bin travallia, Emile en tiermein vèr lui l'a dza avoui dé z'isè que tzantavan et dévesavan. On di à l'atro :

Te va sè omo, cein que l'é on bon tipe. L'é pa sa féna, é ne va rein. To le mondo s'ein grusé. Quan l'a zu avoui cein Emile l'a fai on bon ri (rire). Arevau vèr lui, l'é dza mau reçu pè sa Caroline que ne l'ayavé pa pié préparau le sepa.

Le tzin di eu tza :

Tepara sta féna l'é bin preu vrouye avouè le patron, ne si pa kemein é peu la supporta.

Ein avoui cein Emile se boueté mè à rire de ple balla.

Sa féna que l'aré eintie, l'a demandé porquie é riavé dinsé.

Ne poi pa te le dré que répon Emile, atramein é moiro (je meurs).

Te peu moueri se te veu, mé é voi le sava que l'a di menaçinta. A... te veu le sava, et bin é mouera (je mourrai).

Le leindeman matin Emile va tcherchié na petze (pioche) et na palla po fairé on cro (creux) dra devan l'otau. Teindiu que crosavé, le peu (coq) tzantavé à gardze déplaya. Le tzin l'a di :

Kemein a to le coradzo te tzanta deu momein que le patron va moueri, et cein à cousa de sa féna que le dèveuré. Cein n'a pa possiblo que l'a répon le peu. E n'a qu'a fairé kemein mé. Ein i na veintaina de féné, se on l'é crouye avoué mé, l'a ballio quque cou de bé (bec) et l'a voila de tire sadze.

Ein avoui cein Emile seuté foueu deu cro, torné à la cuisena administra na corréchon à sa Caroline et l'a di :

A... A... te volava sava pieura porquie é riavo, et bin l'é por cein. Me muso que te m'a compra.

D'i adon, Caroline l'a itau la méllieu de lé féné. L'aya on proverbo que di :

Quau amé bin, corrédzé bin.

Isaac Rouiller.

(Patois de Troistorrents.)

Dernière heure

Le Conseil a siégé...

« Le Conseil » a siégé en gare de Lausanne, sous la présidence de M. Henri Gremaud... Il a pris toutes dispositions pour le bon fonctionnement de jurys cantonaux compétents qui auront à juger les très nombreux travaux déjà reçus, dont un ou deux, voire trois enregistrements sur bande magnétique...

M. Joseph Badet a donné de réjouissants renseignements sur la Fête romande, de Saint-Ursanne, à laquelle Valais, Fribourg et Vaud seront représentés par des groupes folkloriques. *Il a fixé au dimanche 27 juin, Salle des Vignerons, au Buffet de la Gare de Lausanne, la réunion de l'Assemblée des délégués...*

Hommage a été rendu à M. Paul Burnet pour son dévouement à la cause de nos patois de l'Expo 64.

rms.